



Općina Ključ raspisuje

JAVNI POZIV

za odabir korisnika/ca za podizanje 0,1 ha (1 dunum) do 0,3 ha (3 dunuma) zasada malina, ili borovnica, ili kupina po korisniku na području općine Ključ za jesenju sadnju 2016.godine

Poziv je otvoren od 07.06. do 17.06.2016.godine

Formular prijave i izjave se može preuzeti u zgradi Općine Ključ - šalter sala, ili na internet stranici općine Ključ.

Budžetom općine Ključ za 2016.godinu, ekonomski kod 614 500, predviđen je poticaj za projekte u poljoprivredi - jagodičasto voće.

Općina Ključ će pomoći zainteresovane korisnike/ce u zasnivanju zasada malina (1000 sadnica/1dunum), ili borovnica (200 sadnica/1dunum), ili kupina (200 sadnica/1dunum).

Pravo učešća imaju sva fizička lica koja ispunjavaju opće i dodatne kriterije i koji obezbijede finansijsko učešće u troškovima zasnivanja zasada malina, ili borovnica, ili kupina koji se odnose na: stubove za naslone i žicu za špalire, sistem za navodnjavanje kap po kap, analizu tla, mineralna đubriva i sredstva za zaštitu za prvu godinu.

Svi oni koji su do sada dobijali sadnice maline, borovnice i kupine po bilo kom osnovu nemaju pravo učešća na ovom Javnom pozivu.



1. Opći i dodatni kriteriji

	Opći kriteriji	Potrebni dokumenti
1.	Podnositelj/podnositeljka prijave mora imati prebivalište i ostvarivati prihod od primarne poljoprivredne proizvodnje ili poljoprivredne djelatnosti na teritoriji općine Ključ.	- CIPS izvadak, - Potvrda nadležne općinske službe da je podnositelj/podnositeljka registrovan/a, ili podnio/la zahtjev za upis u Registar poljoprivrednih gazdinstava i Registar klijenata, ili kopija Rješenja o obavljanju djelatnosti.
2.	Podnositelj/podnositeljka mora nesmetano raspolagati sa minimalno 0,1 ha (1 dunum) zemljišta u jednom komadu na kojem će se uzgajati maline, ili borovnice, ili kupine. U ovu površinu ne smiju ulaziti ostali objekti i /ili zasadi koji se nalaze na parceli.	- Dokaz o vlasništvu nad zemljištem (original ili ovjerena kopija ZK izvataka) ili posjedovni list sa kopijom katastarskog plana na ime podnositelja/podnositeljke ili dokumenat na osnovu kojeg dokazuje postojanje prava (ugovor o kupoprodaji, ugovor o zakupu, ugovor o poklonu, ugovor o korištenju, pravosnažno rješenje o nasljeđivanju) sa priloženim ZK ili posjedovnim listom sa kopijom katastarskog plana koji glasi na ime davaoca prava. Ugovor mora biti zaključen na najmanje 10 godina.
3.	Finansijsko učešće korisnika u projektu.	-Ovjerena izjava da će korisnik/ca obezbijediti finansijsko učešće u troškovima zasnivanja zasada koji se odnose na: stubove za naslone i žicu za špalire, sistem za navodnjavanje kap po kap, analizu tla, mineralna đubriva i sredstva za zaštitu za prvu godinu.
	Dodatni kriteriji	Potrebni dokumenti
4.	Podnositelj/podnositeljka živi u domaćinstvu u kojem su svi članovi nezaposleni, odnosno u kojem samo jedan član ima zaposlenje.	-Kućna lista. -Potvrda sa biroa.
5.	Broj članova domaćinstva	-Kućna lista
6.	Podnositelj/podnositeljka je samohrani roditelj.	-Kućna lista. -Dokaz da se radi o samohranom roditelju (smrtni list supruga/e, rješenje o razvodu i rodni list djeteta). -CIPS izvadak.
7.	Prednost se daje podnositelju/ podnositeljki koji imaju mogućnost proširenja proizvodnje na istoj parceli za minimalno 0,1 ha (1 dunum) u narednom periodu.	-Dokumenti kao pod rednim brojem 2.



Opći kriteriji su eliminatorni, dok će se dodatni kriteriji bodovati. Na osnovu osvojenih bodova sačinice se rang lista.

2. Prosec odabira

Proces odabira će se odvijati na sljedeći način.

Administrativna usklađenost i evaluacija administrativne prijave

- Komisija općine Ključ za odabir provodi pregled prijava i pregled usklađenosti prijave s administrativnim zahtjevima.
- Provjera da li je dostavljena sva potrebna dokumentacija.

Nepotpune prijave se neće uzimati u razmatranje.

Konačni odabir

Svi podnosioci/podnositeljke koji/e uspješno prođu evaluaciju će se rangirati na osnovu bodovanja dodatnih kriterija i to na sljedeći način:

3. Sistem bodovanja za dodatne kriterije

Red. Br.	Dodatni kriterij	Indikator	Max bodova
1.	Podnositelj/podnositeljka živi u domaćinstvu u kojem su svi članovi nezaposleni, odnosno u kojem samo jedan član ima zaposlenje, ili prihod po bilo kojem osnovu	-Svi članovi domaćinstva nezaposleni = 20. -Jedan član domaćinstva zaposlen, ili ima prihod po bilo kojem osnovu = 10.	20
2.	Broj članova domaćinstva	-Broj članova domaćinstva više od 3 = 20 -Broj članova domaćinstva 1-3 = 10	20
3.	Podnositelj/podnositeljka je samohrani roditelj.	-Samohrani roditelj mlađi od 35 godina starosti = 20. -Samohrani roditelj stariji od 35 godina starosti = 10.	20
4.	Prednost se daje podnosiocu/ podnositeljki koji imaju mogućnost proširenja proizvodnje na istoj parceli za minimalno 0,1 ha (1 dunum) u narednom periodu.	-Ima mogućnost proširenja više od 0,2 ha (2 dunuma) = 20. -Ima mogućnost proširenja od 0,1 ha (1 dunum) do 0,2 ha (2 dunuma) = 10. -NE, nema mogućnost proširenja = 0.	20
	U K U P N O		80



Komisija će prilikom odabira povesti račun da najmanje 30% odabranih podnositelja/podnositeljki bude jednog ili drugog spola. To znači da će se prilikom utvrđivanja konačne rang liste, ukoliko određeni podnosioci/podnositeljke budu imali isti broj bodova prednost dati onom spolu koji ne zadovoljava traženu kvotu.

Korisnici/ce koji budu odabrani/e biće blagovremeno obaviješteni/e, rang lista će biti objavljena na oglasnoj tabli općine Ključ i sa istima će biti potpisati Ugovor.

Općina Ključ će organizovati edukaciju o uzgoju malina, borovnica i kupina za odabrane korisnike prije jesenje sadnje koja je planirana za oktobar 2016. godine.

Komisija općine Ključ će obilaskom terena utvrditi ispunjenost obaveza od strane korisnika u skladu sa Ugovorom.

Pozivaju se svi zainteresovani građani općine Ključ koji ispunjavaju gore navedene kriterije da popune formular prijave i izjavu i uz potrebne dokumente u zatvorenoj koverti sa naznakom „Prijava na Javni poziv za podizanje zasada malina, ili borovnica, ili kupina za 2016. godinu“ dostave svoju prijavu lično u šalteru Općine Ključ ili putem pošte na adresu: Općina Ključ, Branilaca BiH 78, 79 280 Ključ, najkasnije do 17.06.2016. godine do 15 sati.

Sastavni dio ovog Javnog poziva su formular prijave i izjava.

Podnosioci prijave na Javni poziv za odabir korisnika/ca za podizanje 0,2 ha (2 dunuma) malinjaka po korisniku na području općine Ključ za jesenju sadnju 2016.godine (broj: 08-49-1208-1/16 od 17.05.2016.godine) imaju pravo prijave na 0,1 ha (1 dunum) zasada maline po ovom Javnom pozivu uz podnošenje prijave, izjave i dokaza o vlasništvu kao u tabeli 1. Opći i dodatni kriteriji, redni broj 2, ukoliko taj podatak nisu već dostavili prilikom prve aplikacije.

Javni poziv će se objaviti na oglasnoj tabli općine Ključ, oglasnim tablama mjesnih zajednica općine Ključ, internet stranici općine Ključ i putem Radija Ključ.

Sve dodatne informacije možete dobiti na broj telefona: 661-100, lokal 109, 216, ili u kancelariji broj 8 i 21.

Broj: 08-49-1208-4/16
Ključ, 07.06.2016.godine

OPĆINSKI NAČELNIK

Nedžad Zukanović, prof.